

Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

617.7

h-51

x 773

YAM 8 11

08 MAY 2013

7848

617.7

Խ-51

այր.

Վ. Վ. ԽԻՓՆԵԱԿՈՎ

04 AUG 2010

Տ Ր Ա Խ Ո Մ Ա

Ի՞նչպէս պէտք է մարդիկ պաշտպանեն իրանց
աչքերն այդ հիւանդութիւնից եւ չը վարակեն
ուրիշներին:

1010
40694

Փ Ո Ւ Ա Դ Ր Ե Ց

ԲԺ. Ն. ՏԵՐ-ԻՍԱՀԱԿԵԱՆ

865

ԱԼԷԿՍԱՆԴՐԱՊՈԼ

Տպարան Սանդեանցի եւ Սեփանեանցի.

1903

Գոյրը անտէր, անօգնական երեխաների նման մի ծանր բեռ է շրջապատողների համար. կեանքը նրա համար ոչ մի արժէք չունի և նա իւր զըծ-բախտ օրերը խաւարի մէջ է անցկացնում:

Ոչ մի պետութեան մէջ այնքան կոյրեր չկան, որքան որ կան Ռուսաստանում: Սրանից տասն և չորս տարի առաջ, Ռուսաստանի լիստն նահանգ-ներում կոյրերի թիւը հասնում էր մօտ 150,000-ի: Այս հաշւի մէջ չեն մտնում Սիբիրն ու երկրի ու-րիշ հեռաւոր մասերը: Ուրիշ խօսքով՝ իւրաքան-չիւր հազար հոգուն գալիս է 2 կոյր: Մի քանի նահանգներում կոյրերի թիւը համեմատաբար շատ է, միւսներում՝ պակաս, կան տեղեր էլ, ուր իւ-րաքանչիւր քաջաւիտիսում կը պատահես մի այդ-պիսի դժբաղդի:

Գուրութեան պատճառները շատ-շատ են. պա-տահում են 'ի ծնէ կոյրեր կան և կուրացածներ զանազան հիւանդութիւններից, օր. ծաղկից, վե-ներական հիւանդութիւններից — սիֆիլիսից, սու-սանակից: Վերջին տեղակի հիւանդութիւնից (սու-սանակից) աւելի կուրանում են մանուկները, երբ նրանց ծնողները վարակուած են լինում նոյն ախ-տերով. բայց ռուսաստանում շատ կուրանում են տրախոմայից:

Տրախոման Ռուսաստանում չափազանց շատ է տարածուած: Ամենից աւելի հիւանդանում են

Дозволено Цензурою 2 Окт. 1902 г. гор. Тифлисъ

Վօլգա գետի ավերում գտնուած բնակիչները և գետի ձախակողմեան ներքին նահանգների — Ղաղանի, Պերմի, Վեատկայի, Սամարայի, Սարատովի և այլն բնակիչները: Այդ տեղերում շատ անգամ կարելի է գտնել այնպիսի գիւղեր, որտեղ անպայման բոլորը հիւանդ են տրախոմայով: Նոյն իսկ միւս նահանգներում էլ դժուար է այնպիսի տեղ գտնել, որտեղ մարդիկ ազատ լինէին տրախոմայից:

Սկզբում Նասյուէոնի պատերազմներից յետոյ եւրոպայումն էլ տրախոմայով հիւանդանում էին շատերը: Իսկ այժմ ֆրանսիայում, որտեղից տրախոման տարածուեց, և եւրոպական ուրիշ շատ երկրներում հիւանդութիւնը շատ հազուադէպ է, իսկ մի քանի երկրներում բոլորովին անհետացել է: Բացի Ռուսաստանից հիւանդութիւնը շատ տարածուած է միայն Տաճկաստանում և Յունաստանում*): Եւրոպացիներն այդ ցաւից ազատուելը բացատրում է նրանով, որ նրանք մեզնից աւելի շատ կրթուած են: Իսկ թէ ինչ կապ կայ կըրթութեան և հիւանդութեան պակասելու մէջ, այդ մենք կը հասկանանք այս գլոխիկը կարդալուց յետոյ:

*) Երևանի նահանգում Ալէքսանդրապօլն ամենից շատ վարակուած տեղն է. ոչ մի քաղաք կամ գիւղ չունի այնքան տրախոմայով հիւանդներ, որքան որ կան Ալէքսանդրապօլում:

Երբ որ սկսում է որ և է մէկի աչքերը ցաւել, հիւանդի համար շատ դժուար է իւր ցաւի տեսակը հասկանալ, միայն բժիշկները կարող են որոշել ցաւի յատկութիւնը և զանազանել ուրիշ տեսակ աչքացաւերից: Իսկ ինքը հիւանդը և նրան տեսնողները կարող են երկար ժամանակ տրախոման ընդունել աչքերի հասարակ բորբոքման տեղ, որ յաճախ է պատահում, մանաւանդ ամառը: Երբեմն հիւանդը ոչինչ չը նկատելով առժամանակ իրան առողջի տեղ է դնում:

Տրախոման անդգալի կերպով սկսուելով և բանի տեղ չգրուելով, վերջ ի վերջոյ շատ անբաղտութեան պատճառ է դառնում: Ահա թէ ինչպէս է զարգանում այս հիւանդութիւնը: Ամենից առաջ հիւանդը նկատում է, որ իւր աչքերն առաւօտները կաշում են, և ճպղտում, յետոյ նա գանգատւում է, որ իւր աչքերը կարծես թէ փոշի լցուածի պէս են և կոպերը ծանրանալով դժուարութեամբ են բացւում: Երբեմն հիւանդը աչքերի մէջ տաքութիւն է զգում, նա չէ կարողանում լոյսին նայել: Երբ որ աչքերն աւելի են ճպղտուած, թերթերունքները կաշում են չորացած ճիւղով, որոնք ցախի կապոցների պէս ցցւում են դէպի դանազան կողմեր: Այդ ժամանակ կարելի է տեսնել, որ կոպերն ու աչքի խնձորը սկսում են կարմրել:

Այսպէս առանց զգալի փոփոխութիւնների անցնում են օրեր և մինչև անգամ ամիսներ, միայն յետոյ պարզւում հասկանալի են դառնում հիւանդութեան հետեանքները: Երբեմն սաստկանալով, երբեմն թուլանալով՝ տրախտման տարիներ է տևում և կամաց-կամաց երևան են գալիս նրա ծանր հետեանքները: Կոպերը թերթերունքների հետ ծալւում են ներս, իսկ թերթերունքներն սկսում են աչքը քերել, ծակծկել: Իսկ և իսկ աչքի խնձորի վրայ, այն տեղ, ուր որ գտնւում է բիրը, նրա կողքին երևան է գալիս դեղնամոխրագոյն բիւծ: Այս բիւծը շարունակ մեծանում է և կարելի է լինում նկատել, թէ ինչպէս է աճում դրա շուրջը արեան երակները: Այս ժամանակ հիւանդը ցաւից այլևս բոլորովին չի կարողանում լոյսին նայել: Երբեմն բժի տեղը աչքի մէջ վէրք է առաջանում: Թէ բժի և թէ վէրքի պատճառով հիւանդը վատ է տեսնում, իսկ յետոյ աչքի վրայ «հատ» է դալիս իսկ երբ «հատը» ծածկւում է բիրը, այն ժամանակ հիւանդը կուրանում է: Երբեմն այնպիսի կուրութիւն է լինում, որ հիւանդանոցներում կըտրելով, (պէրացիա անելով), առողջացնում են աչքը. եթէ հատը փոքր է կտրելն օգնում է: Բայց յաճախ տրախտմայից առաջացած այնպիսի կուրութիւն է պատահում, որի առաջն առնել չի

լինում և մարդ յաւիտեան կուրանում է:

Եթէ առողջ աչք ունեցողի կոպը դարձնենք և նայենք տակի երեսը կը տեսնենք որ նա ծածկւած է հարթ վարդագոյն թաղանթով: Այդ թաղանթը թաց է և նրա վրայ նկատւում են արեան բարակ երակներ: Ներքևի կոպի ներսի երեսը տեսնելը դժուար չէ բաւական է միայն նրան մի քիչ ցած քաշել: Իսկ վերի կոպի ներսի երեսը տեսնելը աւելի դժուար է. որպէսզի կարելի լինի տեսնել, բժիշկները նրան յետ չեն դարձնում մի առանձին միջոցով: Սովորաբար մենք տեսնում ենք աչքի մի փոքր մասը միայն, իսկ նրա մնացածի մի մասը առաջից ծածկւած է լինում կոպով իսկ յետևի մասը տեղաւորուած է աչքի խողովում: Եթէ աչքը դուրս հանենք այդ խորշից, այն ժամանակ նա կըոր գնտի պէս կերևայ, այդ պատճառով էլ նրան աչքի խնձոր են ասում:

Տրախտմայի ժամանակ կոպերի վրայի եղած փոփոխութիւնը սովորաբար շատ աննշան է լինում, իսկ յետոյ այդ աւելի ու աւելի է աչքի ընկնում: Կոպերի ներսի մակերևոյթը ուռչում, կարմրում է, նրանց վրայ երևում են փոքրիկ դեղնամոխրագոյն ելունգներ, որոնք հատիկների նման են լինում. ահա այդ ելունգները տրախտմայի գլխաւոր նշաններն են որոնցով այս հիւանդութիւնը

տարբերում է աչքի միւս տեսակ հիւանդութիւններէ: Հիւանդութեան սկզբում այդ հատիկները քիչ են լինում, այնպէս որ անձանթ մարդը դժուարանում է նրանց որոշել: Բայց պատահում է որ նրանք այնպէս խիտ առ խիտ նստած են լինում, իրանց տեսքով յիշեցնում են ձկնկիթի (խաւիար) հատիկները: Հնացած հիւանդութեան դէպքերում պատահում է որ հատիկները իրար հետ միանում են այնպէս որ կոպերի տակը կարծես թէ աւելորդ միւս է աճում:

Ժամանակ անցնելուց յետոյ տրախոմայի հատիկները ճաքում են, որոնցից յետոյ նրանց տեղը մնում են սպիտակ նշաններ: Նրանք աւելի որոշ նկատւում են վերելի կոպի վրայ: Սրանք նոյնպիսի սպիւններ են, ինչպէս որ մարմնի վրայ առաջանում են վէրքերից կամ այրուելուց յետոյ:

Ձեզանից շատերը տեսած կը լինին թէ ինչ հետքեր են թողնում այդպիսի վէրքերը: Երբեմն մատը քաշւում է դէպի ձեռքը կամ ամբողջ ձեռքը դէպի մարմինը: Տրախոմայի հատիկներից յետոյ մնացած սպիւնները նոյն ազդեցութիւնն են ունենում կոպերի վրայ:

Կոպի ներսի երեսը, որ առաջ փայլուն, կոկ, վարդագոյն էր, փոխւում է աւելի մութ գոյնի, ծածկւում է սպիւնների սպիտակ բծերով իսկ սպի-

ները կուշ են բերում կոպերը: Կոպերի կուշ գալուց էլ ծալւում են արտահանութիւնները և բերում աչքի խնձորը, որ պատճառ է լինում հատի գալուն և կուրանալուն: Նոյն այս պատճառից առաջանում են տրախոմայի նաև ուրիշ հետևանքները: Սպիւնները քաշւում, կուշ են բերում կոպերի ներսի թաղանթի վրայ գտնուած արտասոճերի խողովակների անցքերը, այս պատճառով էլ արտասոճն առկիւր քիչ է գուրս գալիս, քան թէ առողջ ժամանակն էր:

Իսկ արտասոճը կարևոր է մեր աչքը փոշուց պաշտպանելու համար, որը այդ հեղուկը լուսնում, հեռացնում, է. եթէ արտասոճը չը լինէր, աչքի մէջ ընկած բաների շնորհիւ նա շարունակ պիտի զրգուէր: Այս պատճառով էլ տրախոմայից անցնելուց դեռ մի քանի տարի յետոյ էլ աչքերը շարունակ բորբոքւում ու ճաղատում են: Ընդհանրապէս տրախոմայով երկար ժամանակ հիւանդացած մարդու աչքերը եթէ չը կուրանան էլ, առողջ էլ չեն լինում:

Տրախոման սաստիկ վարակիչ հիւանդութիւն է. վարակիչ են հիւանդի աչքերից արտադրուած ճիւղն ու արտասոճը: Տրախոմայի ժամանակ որքան որ շատ է լինում աչքի ճիւղը, այնքան էլ հեշտ կը տարածուի վարակումը: Տրախոմայի

վարակիչ յատկութեան պատճառով հազիւ է պատահում, որ ընտանիքի մէջ միայն մէկը տրախումայով հիւանդանայ: Հէնց որ յայտնուեց թէ ընտանիքի մէջ մէկը տրախումա սւնի, համարեա միշտ նոյն ընտանիքի մէջ մի քանի հիւանդ մարդիկ կըլինին, մինչև իսկ բոլորը: Տրախումայի վարակուելուց աւելի քիչ կարող են վախենալ նրանք, որոնք կատարում են բժիշկների բոլոր խորհուրդները, կամ նրանք, ում որ ծանօթ են հիւանդութեան յատկութիւնները և վարակուելու պատճառները: Հիւանդները միշտ պէտք է յիշեն, որ իրանք հիւանդութիւնը կարող են ուրիշին տալ, իսկ առողջները պէտք է միշտ զգուշանան հիւանդներից:— Հիւանդութեան յատկութիւնների մասին մենք պատմեցինք, իսկ հիմա կը պատմենք, թէ ինչպէս են հիւանդանում:

— Տրախումա ունեցող հիւանդից շատ յաճախ վարակում են լուացուելու ժամանակ: Գիւղերում շատ անգամ պատահել է տեսնել, որ ընտանիքի բոլոր անդամները լուացում են միևնոյն ամանից. նրանից բոլոր ջուր են վերցնում, և երեսները լուանում: Այդ ամանի ջրով լուացում է հիւանդը. նա ձեռքերով տրորում է աչքերը, մատներով ճիւղը պրծցնում և այդ ճաղոտ մատները նորից կոխում է ջրի մէջ և ճիւղը

ունի: Պէտք է միշտ հետևիլ, որ աչքացաւ ունեցողն օրական մի քանի անգամ լուանայ ձեռքերը, որովհետև վարակիչ թոյնը յաճախ ձեռքերի միջոցով փոխանցւում է մէկից միւսին: Պէտք է շատ զգոյշ լինել և չսրբուիլ միևնոյն երեսաւրբէշով, սրով աչքացաւ ունեցողն է սրբուել և չը լուացուել միևնոյն ամանի ջրից: Նմանապէս չը պէտք է գլուխը դնել միևնոյն բարձի վրայ, որի վրայ որ հիւանդն է դրել իւր գլուխը: Հիւանդի սպիտակեղէնը պէտք է խնամքով լուանալ և լուացողը չպէտք է ձեռքերը զիպցնէ իւր աչքերին, սրովհետև սպիտակեղէնի վրայ կարող է վարակիչ թոյն մնացած լինել: Զատ լաւ կըլինէր եթէ հիւանդի սպիտակեղէնը մինչև անգամ առանձին լուացուէր: Զատ կարեւոր է հոգալ բնակարանի մաքրութեան մասին, բաց անել պատուհաններն ու դուռը օդը մաքրուելու համար և աշխատել որ փոշի կամ ծուխ չը կանգնի նրա մէջ. թարմ մաքուր օդը անհրաժեշտ է մարդուս առողջութեան համար:

Կնչպէս առաջ, այնպէս էլ այժմ տրախումայով աւելի հիւանդանում են զինուորները, զինուորական բժիշկների ասելով, զօրքի մէջ իւրաքանչիւր տասը մարդուց մէկը հիւանդ է լինում տրախումայով: Այդ պատճառով էլ զինուորը ծառայութիւնը վեր-

չափանելուց յետոյ հետը տուն է բերում աչքացա-
ւը և նրանից վարակում են ազգականները: Ուս-
տի եթէ նկատուում է որ վերադարձող զինուորն
աչքացաւ ունի, պէտք է նրան շուտով բժշկի
մօտ ուղարկել, որ նա նայէ, բժշկէ հիւանդին:

Զանազան վարակիչ հիւանդութիւններ, դրանց
հետ նաև տրախոման շատ անգամ տարածում են
օտար տեղերից եկող բանւորները, որոնք վարձ-
ւում են գիւղերում դաշտային աշխատանքների
համար: Նրանք շատ հեշտութեամբ իրանց հի-
ւանդութիւնները տարածում են տեղական բան-
ւորների ու հոգատէրերի մէջ: Գիւղական աշխա-
տանքների ժամանակ շատ հեշտ է տրախոմայով
վարակուել, որովհետև աշխատելիս մանաւանդ
կալսելիս, խիստ փոշի է բարձրանում, որից հա-
մարեայ բոլոր բանւորները աչքացաւ են ստանում:
Տրախոմա ունեցող հիւանդի աչքերը վատանում
են կալի փոշուց, ճիպոք սաստկանում է, որից
հեշտութեամբ ցաւը անցնում է ուրիշներին:

Առողջների աչքերն էլ հեշտ են վարակում
տրախոմայով, երբ նրանք փոշուց բորբոքում
են լինում: Աշխատելու ժամանակ կարելի է ակ-
նոցներ գործածել որ մանաւանդ պէտք է կալսե-
լիս. ակնոցները պաշտպանում են աչքերը փո-
շուց: Ակնոց գնելուց առաջ՝ պէտք է մարուր

սրբել ապակիները, եթէ ոչ նրանք կարող են
ցաւը նոր գնողին փոխանցել եթէ աչքացաւ ու-
նեցող մարդ է դրած եղել:

Տրախոմա հիւանդութիւնը պատահում է նաև
գործարանների բանւորների մէջ, երբ նրանց աչ-
խատանքը կատարում է մշտական փոշու մէջ, և
երբ շատերն ստիպուած են լինում բացի դրանից
աշխատել շիկացած վառարանների առաջ, բարձ-
րաստիճան տաքութեան մէջ: Ինչպէս փոշին,
այնպէս էլ տաքութիւնը սաստիկ վնասում են
աչքերին և նպաստում վարակման տարածելուն
եթէ բանւորներից որեւէ մէկը վարակուած է: Մի-
ևնոյն ժամանակ ի նկատի պէտք է ունենալ որ
գործարանների բանւորները շատ պէտքերում ապ-
րում են միառին բանւորական տներում խառ-
նուած կերպով, ուտով, դարմանք չէ, որ նրանք
վարակուեն իրարից: Երբ վարակում է մի մարդ,
որ միջոց ու ժամանակ ունի բժշկուելու այդ
այնքան էլ երկիւղալի չէ, բայց երբ բանւորն է
վարակուողը, այդ արդէն կատարեալ դժբախտու-
թիւն է: Բժշկի մօտ գնալ նա կարող է միայն
տօն օրերին, իսկ ցաւած աչքերով աշխատելը,
շատ ու շատ ծանր է նրա համար: Բացի դրա-
նից, մէկ էլ ախտը, գործից հանեցին, որովհե-
տև վատ տեսնող բանւորի արած՝ գործն ինչ

հիւանդ
0101

պէտք է լինի: Եւ ահա աչքացաւի պատճառով նա իւր ընտանիքով մնաց փողոցում, որովհետեւ ժամանակին չկարողացաւ բժշկուիլ: Մշակ դասակարգի համար շատ կարևոր է առողջարար ընակարան ունենալը: Նրան ուժասպառ է անում աշխատանքը և վատ է ազդում նրա առողջութեան վրայ: Հետևաբար այնպէս պէտք է լինի, որ նա կարողանայ հանդստանալ ընդարձակ և լուսաւոր ընակարանում, փոշուց ու վնասակար գոլորշիներից ազատ:

Տրախոման երեւմն սաստիկ դարպանում է դպրոցներում: Աշակերտներն իրար վարակում են խաղալու միջոցին, ինչպէս նաև նստարանների վրայ նստած ժամանակ: Որքան որ աւելի վատ է դպրոցը, որքան որ աւելի նեղուածք են նրստարանները այնքան էլ աւելի հեշտ տարածւում է աչքացաւը: Դպրոցը պէտք է լինի ընդարձակ, լուսաւոր և չոր, այն ժամանակ համաճարակ հիւանդութիւնները աւելի քիչ վտանգաւոր են: Եթէ ուսուցիչը նկատում է որ աշակերտներից մէկը տրախոմա ունի, այս դէպքում պէտք է նրան միւսներից առանձին նստեցնի. պէտք է հետևի, որ աշակերտը ձեռքերը լուանայ. չտրորէ աչքերը և ուղարկէ բժշկի մօտ առողջանալու: Սակայն ամէն անգամ ուսուցիչը չի կարող տրախոման

ճանաչել ինքը: այդ պատճառով էլ անհրաժեշտ է որ բժիշկն ինքը յաճախ դպրոց այցելէ և քննէ աշակերտների աչքերը:

Բժշկական քննութիւնները օգտակար են նաև բոլոր այն տեղերի համար, որտեղ որ ապրում, կամ աշխատում են միասին շատ մարդիկ: օրինակ, գործարաններում, աշխատանոցներում, բանդերում, ապաստանարաններում և այլն:

Այդ տեսակ քննութիւնները կարևոր են թէ առողջների և թէ հիւանդների համար: Առողջները կ'դուռչանան տրախոմայով վարակուելուց, երբ կ'իմանան, որ ընկերները հիւանդ են, իսկ հիւանդները ժամանակին կ'սկսեն բժշկուիլ ցաւից, որ իրանք առանց բժշկի չէին հասկանալ: Իսկ ցաւը որքան որ շուտ բժշկուի, այնքան էլ աւելի շուտ կ'առողջանայ:

Տրախոմայից բժշկուելու համար երկար ժամանակ է պահանջւում. եթէ սկզբից անմիջապէս չեն բժշկել, այդ դէպքում նա շատ դժուար բուժելի ցաւ կը դառնայ: Տրախոմայով հիւանդացողներին կարելի է միայն մի խորհուրդ տալ, — այն է, անմիջապէս բժշկին դիմել, պէտք չի սպասել որ ցաւը սառտկանայ: Բժշկուելու ժամանակ պէտք է համբերող լինել և ժամանակից առաջ վերջ չը տալ բժշկուելուն. երբեմն հարկաւոր կը

լինի բժշկի մօտ երկար ժամանակ զնալ — դալ մինչև առողջանալը: Այս բանը շատ հիւանդների հասկանում են, ուստի և առում են. «հիւանդութիւնը փոխելով է մտնում, մսխալով դուրս դալիս:»

Աւելի շուտ առողջանալու համար տրախտմաշով հիւանդները պէտք է սրահպանեն իրանց աչքերը փոշուց, ծուխից և պայծառ լոյսից. իսկ սրալէս գի իրանց հիւանդութիւնը սուբիշներին չանցնի, պէտք է որ հիւանդները շուտ-շուտ իրանց ձեռքերը լուանան, աչքերը իզուր տեղը չարդրեն, սրբուելու համար առանձին երեսսրբիչ պահեն, միմեոյն ամանի ջրով ուրիշների հետ չը լուան իրանց ձեռքերը ու երեսը, առանձին տեղ դնեն իրանց շորերն ու փրեղէնները, մանաւանդ այն իրեղէնները, որոնք աչքին են պիպել, օր. շորի այն կտորը, որով աչքերի ճիւղն են սրբել, պէտք է այրել կամ ձգել մի աջնոպի տեղ, որ մարդու ձեռք չընկնի:

Հիւանդի համար շատ վատ կը լինի, եթէ նա լսէ պառաւներին, դալլարներին և դանադան տգէտ մարդկանց: Սրանցից իւրաքանչիւրը իւր ձեռով է բժշկում այնպիսի խորհուրդներ է տալիս որոնցից աչքերը ոչ թէ կ'առողջանան, այլ կը քորքորուն և աւելի խիստ կը թաւախայ նրանց տե-


տողութիւնը քան թէ ցաւի ժամանակ: Չատ անգամ լսելով ժողովրդի մէջ տարածուած դանադան հրէշաւոր միջոցները, որոնցով ուզում են իբր թէ առողջացնել, մարդ չի իմանում դայրանայ, թէ ծիծաղի: Պատահել է որ տրախտմա ունեցողին առաջարկել են հում միս, կամ այլը զնել աչքերին, աչքը լուանալ ու մարդու, խոզի, բուռակի և ուրիշ կենդանիների մէջով: Հասկանալի է որ ամէն մի գարշահոտ բան կարող է աչքին վնաս տալ: Չատ անգամ հիւանդները կուրանում են հէնց տգէտ մարդկանց առաջարկած միջոցներից:

Տրախտման բժշկելու մի զգուշի միջոց գործ են դնում պառաւներն ու դալլարները:—Նրանք հիւանդի աչքերը լիզում են: Աչքերին օդուտ տալու մասին այստեղ խօսք անգամ չի կարող լինել. շատ անգամ է պատահել որ ուղղակի վնասուել են: Ահա թէ ինչ կարսոյ է պատահել: Եթէ լիզողը հիւանդ է վատ ցաւով (սիֆիլիսով), այն ժամանակ նա իւր լեզուի միջոցով տրախտմա ունեցողին տալիս է իւր ցաւը: Նորերս Վեատկոն նահանգից գրել էին լրագրում, թէ մի գիւղում մի պառաւ լիզում էր հիւանդների աչքերը, և ում աչքերը որ նա լիզում էր, նրա մէջ յայտնւում էր վատ ցաւը* և կարճ միջոցից յետոյ այդ գիւղում

*) Այս ցաւի մասին գեղեցիկ կերպով պատմուած է բժ. Բուդուկեանցի «Սիֆիլիս» անունով գրքոյկում:

մէկը միւսից յետոյ հիւանդացան ութսուն հոգի:
Իսկ վառ ցաւը տրախտմայից էլ շատ աւելի վտ-
անգաւոր է, ուրիշ շատ ցաւերից էլ:

Մի անգամ ընդմիջտ պէտք է մարդ լաւ
միտքը պահէ, որ միայն նա կարող է բժիշկ լի-
նելով ով որ լաւ սովորել է այդ բանը որովհետեւ
հիւանդութիւններ ճանաչելուց ու բժշկելուց աւե-
լի դժուար բան չլիայ:




ՀՀ Ազգային գրադարան



NL0266854

7848

The background of the image is a traditional marbled paper pattern. It features large, irregular, light tan or beige-colored 'cells' or 'stones' that are separated by a network of thin, branching veins. These veins are primarily a deep red or maroon color, with some areas appearing black or very dark brown. The overall effect is organic and complex, typical of hand-marbled paper used in bookbinding.